

TARIKH	23 / 10 / 2012	SEKSYEN	Nasional
MUKA SURAT	11	RUANGAN	Nasional

2,300 pelajar terima zakat Tabung Haji

Johor Bahru: Lembaga Tabung Haji (Tabung Haji) kini mula mengagihkan zakat pendidikan berjumlah RM1.5 juta kepada 2,300 pelajar kurang berasa baik di seluruh negara.

Ia sebagai bantuan persiapan mereka untuk menghadapi sesi persekolahan tahun depan.

Menerusi sumbangan itu, setiap pelajar terpilih menerima sumbangan wang tunai RM300 untuk perbelanjaan termasuk pembayaran yuran dan pelbagai kelengkapan persekolahan bernilai RM200.

Pengurus Besar Kanan Jabatan Sumber Manusia Tabung Haji, Muhammad Rani Saidali, berkata sumbangan bantuan pendidikan kepada pelajar daripada asnaf faikir miskin itu adalah kali pertama di perkenalkan.

Katanya, Johor menjadi negeri pertama yang menerima agihan zakat pendidikan itu membabitkan sumbangan berjumlah RM100,000 kepada 200 pelajar yang dipilih dengan setiap seorang menerima bantuan RM500 termasuk wang tunai RM300.

“Program sumbangan pendidikan yang dimulakan di Johor akan dilaksanakan ke seluruh negara dan dijangka selesai sebelum tamat sesi persekolahan 2012,” katanya pada Majlis Penyampaian Sumbangan Pendidikan Tabung Haji Peringkat Johor di sini, semalam.